

Վարչապետն ընդունել է ԱԵՄԳ գլխավոր տնօրեն Ռաֆայել Մարիանո Գրոսիին

Երեքշաբթի, 4 հոկտեմբերի 2022 թ.



Վարչապետ Նիկոլ Փաշինյանն այսօր ընդունել է Ատոմային
Էներգետիկայի միջազգային գործակալության (ԱԵՄԳ) գլխավոր տնօրեն
Ռաֆայել Մարիանո Գրոսիին:



Վարչապետը ողջունել է ԱԷՄԳ գլխավոր տնօրենի այցը Հայաստան և նշել, որ Հայաստանը կարևորում է ՀՀ կառավարության և ԱԷՄԳ միջև համագործակցությունը, որն էական նշանակություն ունի Հայաստանի էներգետիկ և միջուկային անվտանգության ապահովման և կարողությունները զարգացնելու տեսանկյունից: Նիկոլ Փաշինյանն ընդգծել է, որ այս խնդիրները ՀՀ կառավարության ռազմավարական առաջնահերթությունների թվում են:



ԱԵՄԳ գլխավոր տնօրենը ևս ընդգծել է միջուկային անվտանգության ապահովման ոլորտում երկկողմ գործակցության կարևորությունը՝ ինչպես ընթացիկ, այնպես էլ հետագա ծրագրերի շուրջ և պատրաստակամություն հայտնել շարունակել օժանդակությունը ՀՀ կառավարությանն այդ ուղղությամբ:



Հանդիպման ընթացքում գրուցակիցներն անդրադարձել են Հայկական ատոմային էլեկտրակայանի անվտանգության մակարդակի բարձրացման ուղղությամբ աշխատանքներին, մտքեր փոխանակել Հայաստանի և ԱԵՄԳ-ի միջև համագործակցության խորացման հնարավորությունների շուրջ:



